

而力進此道當裂破言語情識窠臼始可謂之真祭鍊也非世之所謂祭鍊也衆生鬼神受如是施奇哉愚雖不敏請事斯語願化同志者相與行之斷斷不誤人不誤鬼神故誓爲先生流行此書溥之於十方三世六趣四生衆生世界若以法視祭鍊者莫足以語是哉敢以親聞於先生者併書之門人沈之我敬書時至元辛卯歲

太極祭鍊內法議略卷下終

上清天樞院回車畢道正法卷上 此四

上清九老仙都之印



夫上清九老仙都印者佩之入山狼虎精怪自伏遇過江河風雨順濟可管天下洞府仙官若佩其印兵不能害虎不能傷水不能溺臨大危難必有善生常人佩之壽命延長伏諸邪鬼百惡不侵及治小兒夜啼驚風及大人諸般疾患並燒灰用乳香湯調下立効催生下死胎此印佩之安胎婦人無子佩之有孕及解呪咀冤枉令人聰明用之皆應印闊二寸二分方正厚八分印文分八字作二行

治都總攝之印



夫治都總攝之印者爲之兵印有此印者能

管天下三界鬼神仙官分野城隍社廟吏兵皆得差使不論高下此印佩之如

上天帝命凶惡鬼神皆伏若行法職官不得此印者難用鬼兵印行兵將行印住兵將住動印如動兵若用此印兵將不行不論高下並皆處斬自有鬼神直之云斬了便可具狀奏聞

上帝故兵隨印轉將遂令行違命之罪皆須重焉印闊二寸二分方正厚八分印文分六字作二行疊篆

都天大雷火印



夫都天大雷火印者治天下山川林木廟宇神壇龍臺並皆起之印動雷動此印不可與他印相雜使用只是求甘雨於有龍處用鐵版一面用紙封上押字用此印印之令人送於水中龍神立起如水有怪林木爲妖古廟與災皆行文於內押字用此印印之其水內

有怪自死廟宇自壞林木自枯或被天火雷電所燒印闊二寸二分方正厚八分印文分六字作二行疊天文篆

提舉城隍司印



夫提舉城隍司印者受提舉城隍之職代天行化凡受此職者須得此印無此印不行天下城隍神所行去處陰官自報皆有鬼神迎

接佐送亦差助法兵吏所直經過山林廟宇或渡江河海次日夜常有本屬兵吏侍右凡牒城隍只用此印即時報應或城隍兵不至為之不從便可具狀聞奏

上帝依法移居并位印闊二寸二分方正厚八分印文分六字作二行疊天文篆

上清天樞院印



夫上清天樞院印者為上清三天門下進奏之司凡於人世為民行法申奏

天曹關牒中界下界鬼神之事皆須此印除天界

上帝可具狀奏聞中界五嶽名山大川下至鄴都之神不論高下並用關牒及佩之除邪服之治病有此印隨行天下鬼神皆伏所行之處鬼神侍右印闊一寸八分長一寸九分印文分六字作二行疊篆

都天大法主印



夫都天大法主印者管天下邪精六洞魔王凡有精邪作孽龍蜃與杖與民為患所行符籙皆須此印及人有冤枉呪咀宿世冤靈負命欠財一切疾苦佩此印冤靈不能近惡業不能侵及除夜夢和合萬事常服除宿疾令人延壽不患蠱毒不生九蟲及下死胎催生並皆燒及吞服印闊一寸八分長一寸九分

印文分六字作二行疊篆

上清朱明神符

散形



聚形



夫上清朱明神符者是


此斗七元聖君之真炁自然而成形也係上清天樞院使行可以破廟除邪入瘟辟疫常佩護身萬惡不侵鬼神見之如大火山常服令人聰明不生惡疾毒藥不害不懼刀刃及治諸般惡疾能止疼痛及治顛邪小兒夜啼驚風婦人安胎催生下死胎及鬼氣鬼胎去三尸剪鬼交皆換湯液服之無不應驗右篆此符用左手掐午上為訣念呪書之

呪曰

北斗七真 天中大神 上朝金闕 下覆崑崙  
調理綱紀 統制乾坤 貪狼巨門 祿存文曲  
廉貞武曲 破軍輔星 大周天界 細入微塵  
何災不滅 何福不臻 元皇正炁 來合我身  
天罡所指 晝夜常輪 隔居小人 好道求真  
常見尊儀 願賜長生 高上玉皇 紫微帝君  
三台生我來 三台養我來 三台護我來  
魁魁魁魁魁魁魁

乾元亨利貞 日月是吾兵 神符入五臟  
永保得安寧急急如

上清律令勅  
上清九獄神符



夫上清九獄神符者治人間精邪為害惡毒  
與扶開門閉戶并泉湧沸屋宅鍋釜虛響鼠  
鼠作怪諸般變現形影使人顛狂令人久病

困病牀枕服藥無効宅舍之下腥羶之鬼穢  
觸之精無由斷絕即令具狀經本院投押用  
鐵版生砂依法書篆鎮所居之地埋之凡置  
鄧都獄用黃絹一尺二寸闊七寸書之黏於  
獄內如水怪作孽投於水中鐵版大者長二  
尺四寸闊一尺二寸小者長一尺二寸闊七  
寸書之凡書此符須六戊日可篆餘日不可  
篆及篆符時脚分丁字無令人見用左手大  
指插中指中節為訣誦呪書之

呪曰

九獄靈君 鄧都大神 張馬四毒 擒伏鬼神  
金羅鐵網 收單邪精 三天帝勅 法令嚴行  
九州土地 社伯行兵 風火雷電 有鬼粉形  
百千萬卒 黑風火鈴 獄名大火 無劫更生  
鐵師銅狗 傷食汝形 一筆天地 二筆滅精  
三筆風伯 四筆獄成 神符下鎮 萬鬼摧傾  
急急如

上清律令勅  
右誦呪七遍書成

又呪曰

鄧都九獄神 上帝勅奉行 敢有不伏者  
罪在五獄兵 六丁六甲捉 步罡斗無情  
勅付魁罡下 萬鬼不存形 急急如

上清律令勅  
右誦呪七遍噴水七口於符上了放訣

上清雷公符



夫上清雷公神符者治瘟疫邪疫赤山嵐瘴毒  
五般蠱毒傳屍勞瘵山精鬼魅猖狂客死伏  
屍古怪投河自縊兵亡藥死產亡林木遊神  
作犯宅土及他人承事之神被遣不去墳墓  
興災者並仰具狀經本院投押付所居之神  
後方可用鐵版上書此符五道於五方埋之  
其鬼神只見雷火燒宅皆無入處或是他人  
家自夢被火所燒瘟疫之家得此符患人皆  
見大火心如發狂時即涼汗立安若是古廟  
與祇林木成器為民患者亦書此符一道埋

於廟中林木之下其廟自壞其林自枯不然  
有火燒之如水中其怪自滅其鬼自驅有龍自起鐵版須  
得水日打火日書鐵版長一尺四寸闊八寸  
入淨室內書特丁罡三步左手指火日宮辰  
為訣誦呪書之

呪曰

都天雷公 呼雲震風 青雷赤炁 洞按九宮  
赤雷白炁 上遊上穹 白雷黑炁 北遊元鄴  
黑雷黃炁 太極元衝 黃雷青炁 遍滿虛空  
周天火界 炎炎赤風 何神不伏 何鬼不從  
逆我者死 從我者封 北雲黑歷 九醜紫童  
風伯雨師 驅電飲風 神符至處 邪鬼無蹤  
急急如  
上清律令勅

右誦呪一十四遍書成鎮所居之地

又呪曰

都天大雷公 霹靂變虛空 刀兵三十萬  
爽散紫洞中 如有不伏者 嚴令輒不容  
攝付魁罡下 未為清淨風 急急如

上清律令勅

右誦八十一遍噴水九口於符上了放訣

上清火鈴神符



夫上清火鈴神符者治婦人無子懷孕不安  
有孕不過三五月間自然落下或養子不成  
不過一二歲而死多方作福而無應驗能治  
如此之事非尋常也或因門戶風水或是墳  
塚所招或是宅有伏屍或是井竈不利或因  
作犯或是星神或夫妻二命相刑或祖宗有  
過或前世不欽子孫或自高曾辜負父母或  
室戶不明大凡若要子息壽命堅牢切須戒  
忌朔望弦晦四時大御甲子庚申大風大雨  
大寒大暑大飽大饑大醉星月之下井竈神  
祇之前雷電震響天有祥雲日月交蝕切慎  
行房如能依此方子息受胎安穩相貌十全  
福壽延遠若不依此假使長子長壽必須醜

惡貧薄及令短壽凡有此事並仰具狀經本

院投押依式書此神符夫妻佩帶不過月日  
之間便有吉夢受胎必生貴子長下亦須令  
佩此符永無疾患具指長壽百鬼不侵萬邪  
不害若用鐵版或木板不拘大小書篆符香  
供養大辟瘟疫治火災並用未書左手大指  
指寅上為訣誦呪書之若人佩帶供養天使  
靈官祐之

呪曰

大火鈴空 監生上穹 執籙靈籍 好生韓公  
五帝破魂 三台探封 七元助魄 神元負宗  
屍鬼辟合 不欲鬼窮 但受人命 殺邪却疏  
上天勅賜 未受仙官 虛無大神 斷惡除凶  
九天司命 今元祖公 注命生根 度人靈通  
絕却逆鬼 斬除邪蹤 神符覆護 紫雲冥容  
急急如  
上清律令勅

右誦呪二十一遍書成

又呪曰

周天大火鈴 保命受延齡 三屍俱辟令

靈寶守長生 不欲人道窮 但欲仙道成  
遇人三黃章 五嶽碧靈空 急急如  
上清律令勅

右誦呪三十六遍 嚥水一口於符上了放

上清丁甲神符



夫上清丁甲神符者治人間作犯太歲土符  
神殺又他人家造作飛土臨宅及糞犯山神  
風水不順多生災咎婦人陰小生瘡頻被湯  
火傷害久病牀枕服藥不効或命屬凶星運  
限相併令人朦昧作事遲延夜多亂夢入口  
不安及雌雄殺喪車向連及命屬他人呪咀  
常多疾病心神不寧家中常令人顛狂宅有  
伏屍怪物自傷刑害之鬼夜出現形打燈放  
火驚嚇婦女小兒財物虛耗並仰具狀經本  
院投押書此靈符或供養或佩帶可立應驗

若有造作亦書此符二十四道於宅上周市  
貼之不須歇宅自有吉神衛護凶星惡殺不  
敢為害書此神符並用生砂用左手大指掐  
午上為訣誦呪書之用無不驗也

呪曰

丁甲將軍 天蓬尊神 三台仰助 六甲六丁  
前驅九醜 後滅山精 泉靈通濟 上帝勅行  
九州土地 山澤河源 二十八宿 六神平安  
童子行令 八卦尊乾 朱雀祐助 玄武當千  
青龍正主 白虎伏連 上通金闕 下合乾元  
總管鬼兵 袞同上天 符主魁罡 萬劫推遷  
急急如  
上清律令勅

右誦呪二十一遍書成

又呪曰

丁甲大將軍 六十上陽神 太上高上道  
勅賜魁罡君 收擒山澤鬼 下捉土黃神  
若有不正者 乾元亨利貞 急急如  
上清律令勅

右誦呪八十一遍嚥水一口於符上了放

訣

上清北斗七元符



夫上清北斗七元聖君符者治人間宿造惡  
業祖宗之崇傳成瘵疾速互相感無藥可治  
遂乾枯四肢形狀如命未終先傳宗裔如此  
之狀求無盡歇於是

上帝哀愍降此靈符令各書篆燒灰用柳木  
剋人子七箇用無灰酒煎調下日服三道不  
經十日其蟲自死其形漸生有此狀者並仰  
具狀經本院投押錄本人情狀聞奏  
上帝及牒嶽瀆謝過解釋然後可篆此符給  
付患人依式吞服及篆此符二十一道於屋  
下四周安貼并篆佩帶立有吉夢亦感  
上真降真悉護身此符常帶保命護身不招  
橫禍鎮宅大吉此符並用生砂書篆用左手  
大指掐子上為訣誦呪書之

呪曰

北斗七星 玉真仙靈 貪狼巨門 保命長榮  
 祿存文曲 使臣聰明 廉貞武曲 衛臣安寧  
 破軍輔星 護臣身形 常居吉慶 永處福壽  
 注上生籍 勾落死名 神清氣爽 洞達幽冥  
 禦邪攝鬼 群杖推傾 學道修真 伏願遂成  
 七元覆護 飛昇紫庭 五臟神君 各保安寧  
 急急如

上清律令勅

右誦呪一十四遍書成

又呪曰

大聖七元君 天中至尊神 願保未長生  
 三尸辟合群 擊羊大神將 絕却死命門  
 陀羅為散花 常得延壽年 急急如  
 上清律令勅

右誦七遍嚥水一口於符上了放訣

上清三台神符



夫上清三台符者大寧吉慶之宿歷蓋萬事  
 凡人命值星宿運限不通惡曜纏照頻招官  
 事宅發瘴黃長子多生疾患及婦人難產有  
 三世冤家債主負命父財無由解脫並仰具  
 狀經本院投押用黃綾書此真符戴於頭上  
 即時凶星不照冤鬼不侵此符為天中隱蓋  
 至真之寶用左手大指掐辰上為訣誦呪書  
 之

呪曰

三台星君 護我身形 用天覆護 紫炁順成  
 元元辟合 斬攝威靈 太乙伏我 河圖六經  
 高上神王 飛天自扁 無怒元始 照曾元精  
 猛馬四張 幢鼓金鈴 巨天甲卒 六甲六丁  
 遊行天下 爾蓋身形 何災敢現 何鬼恐睛  
 災視者滅 怒睛者傾 神符一單 天不祝形  
 急急如

上清律令勅

右誦呪一十四遍書成

又呪曰

三台生我來 本命得長生 三台養我來

上帝保護持 三台護我來 永壽得安寧  
 勅付魁罡下 元亨大利貞 急急如  
 上清律令勅

右誦呪四十九遍嚥水一口於符上了放  
 訣

上清黑殺神符



夫上清黑殺神符者治水怪江河龍蜃作孽  
 興風作浪陷沒舟航曲求祭祀損害人命之  
 事並仰具狀經本院投押用鐵版一片長一  
 尺二寸闊七寸朱書此符下鎮與杖之地其  
 龍蜃即時移居若

黑殺真君聞龍蜃觸符即親下伏之若渡江  
 海用紙書佩之不受水厄大辟水怪亦能鎮  
 宅除災驅怪用左手大指掐亥上訣誦呪書  
 之並用生砂

呪曰

黑殺真君 光化日月 威鎮乾坤 行符攝錄  
斷絕鬼門 遊行天下 收捉鬼神 行神布炁  
掃除五瘟 左右吏兵 三五將軍 雷公霹靂  
電掣雲霧 刀劍如雨 隊伍如雲 吐牙努力  
破碎其形 九州社令 血食之兵 神符降令  
法到奉行 果不從命 殺不容情 養龍赫奕  
紅霞紫庭 急急如

上清律令勅


右誦呪十八遍書成

又呪曰

黑殺大力神 無邊濟法界 擒魔束邪精  
遍遊周天界 驅龍入江海 動遠苦幽滯  
金劍斬妖光 鬼邪當自弭 急急如  
上清律令勅  
右誦呪二十一遍噴水一口於符上丁放

訣

上清五嶽真形符



夫上清五嶽真形符者入山能伏狼虎入水  
能伏龍蜃佩之吉祥不遭患難及蟲蟻損害  
屋宇飛鳥入屋作怪蟲蛇出現並仰具狀經  
本院投押用梓木板長二尺四寸闊一尺二  
寸朱書此符釘於宅上其怪自壞蟲蟻自去  
永不為害也若佩之保身護命辟諸危險修  
行之士切須佩之免有魔障此符用左手大  
指指已上為訣誦呪書之

呪曰

五嶽真形 受天禹經 大洞魔王 九醜元靈  
戰魔捉鬼 降伏妖精 天丁力士 吐馬雲增  
速送冤靈 甲乙戊己 壬癸庚辛 丙丁攝炎  
六羅大千 元罡九綱 合元歸神 總廣上曜  
太虛太清 上帝蓋覆 土地安寧 太微六甲  
混合乾元 八九神符 下鎮山川 勅至奉行  
急急如

急急如

上清律令勅

右誦呪一十四遍書成

又呪曰

五嶽大靈符 收擒滅惡趣 若有犯我者

天車哀地車 風雷行火電 猛將伏魔誅  
勅付魁罡下 騎鬼奉天驅 急急如

訣

上清天罡神符

十六



夫上清天罡神符者治人間精邪惡毒蟲氣  
鬼胎鬼炁傳行人道損害人命及諸為妖一  
切邪神在人宅舍非理執占不去及牛瘟六  
畜瘟疫並仰具狀經本院投押皆用朱書此  
符安鎮立獲吉祥及書佩帶延壽辟惡除三

尸去九蟲不受瘟禍剪鬼交并治小兒夜啼

驚叫顛邪山嵐瘴氣五般疴疾諸般疾苦皆

能辟伏用左手大指指子上為訣誦呪書之

呪曰

天罡大神 九九七真 元命太乙 殺鬼氣盛

九州分野 太白尊星 周行六合 炎炎火鈴  
 八威吐毒 伏鬼不刑 三十五萬 食鬼吞精  
 幽冥大赫 降魔伏靈 大千世界 總氣上兵  
 何神不祐 何鬼敢侮 泰山丈人 揚揚虛靈  
 許惡之鬼 盡使刀兵 神符永鎮 萬鬼不寧  
 急急如

上清律令勅

右誦呪八遍書成

又呪曰

三十六天罡 天中大神王 炎帝烈我血  
 賜我為上黃 七總太元君 為吾驅禍殃  
 真炁受雷火 老公伏火光 急急如  
 上清律令勅  
 右誦呪二十一遍溪水一口於符上放  
 訣

上清天樞院回車畢道正法卷上

上清天樞院回車畢道正法卷中

此五

布氣法

至誠到處向日焚香仰祝曰具職位某仰告  
 太陽帝君臣某行天樞院天心正法救治萬  
 民疾苦布氣安神今乞特賜慈悲願降真氣  
 入臣身中泥丸百節五臟六腑浩然充滿凡  
 治生靈願無不効畢志心唯一鳴天鼓七下  
 開日向日兩手各掐中指第三節使向日取  
 氣一口吞之念呪七遍然後吞此第二口也  
 再掐右手念呪七遍又取一口氣吞之便將  
 兩手交對口上呪七遍又取真氣一口吹兩  
 訣上周而復始如此為之者三呪曰  
 風疾風裏去 氣痛隨氣滅  
 凡有患人令在東南方西北向師在西北東  
 南向對面坐令患人按定病處不得放先款  
 一聲便取氣一口未得吞下便安兩手如前  
 訣呪七遍令再款聲取氣吞下再呪如前輕  
 者三五次重五七次必効  
 淨心淨意兩手中指按掌心文請五方二十

呪水法

八宿 謹請東方角亢之星精真形仗劍持符護吾

身形

謹請南方井鬼之星精真形仗劍持符護吾

身形

謹請西方奎婁之星精真形仗劍持符護吾

身形

謹請北方斗牛之星精真形仗劍持符護吾

身形

謹請中央七星之精黃之真形仗劍持符護

吾身形

五方真氣入吾此水此水非常之水上清無  
 極大道自然之水能除疾病能救苦厄吾此  
 水一點落處皆成清淨若是正神著此水者  
 廣大神通若是扶怪著此水者身如火所  
 燒此水皆是

此五

上天其人降真氣所成何邪不伏何鬼敢形  
 當吾者死背吾者亡神水到處萬鬼伏藏呪

曰

魁元乾元 利貞璣真 太虛請勅 崑崙天戶